

ANPAO - KIN:

Rev. E. Ashley.
Rev. W. J. Cleveland. EDITORS

Anpao wotanin wowapi kin wi iyohina, wiyawapi anpetu tokaheya eca wowapi tokšu kin ogna yewicakiciyapi ece.

Wi akenom (one year) on kaspapi yamni kajujupi kta.

Wi šakpe kin kaspapi wanji sam okise. Ieupi šul itokab kdajujupi kta.

Wowapi askabvapi maša ana wanji qaiš nonpa owapi kin, mazaska cekiya. ANPAO KIN opeton oklihipi kta.

Tuwa wowapi kagin kta ca wowapi ska sani el owa kta.

Opetonpi kta wowapi hiyukiyapi qaiš ed taku oyakapi kta cinpi na hiyukiyapi ca, wowapi ojuha akand deced owapi kta.

REV. E. ASHLEY,
Cheyenne Agency, S. D.

Yawaxteya Cajeutapi Wowapi Wan.

ANPAO KIN icikoyagunyanpi qa wico-
ran wašte eon iyounpaštakapi kta
wookihi yuha. Okodakiciye-wakan opa-
pi tka abebeya tipi kin, hena iyotan
otakiye wašte heca kta. Bišop wan
kin eciyatanhan, taku ecamon onšpašpa
oyakapi qa taku bduotanin kta wacin
kin hena owasin, qa Tipiwakan iyaza
omawani woyakapi kin hena, qa nakun
Okodakiciye-wakan kin wotanin tawa
toktokeca ed kagapi kta. Oyate unkita-
wapi kin owasin Anpao kin icupi qa saum
wicaša tokeca wicaqupi nin ecanmi.

W. H. HARE,
Yewicašipi Bishop

WOTANIN IKCEKA

President Roosevelt toka Tun-
kansilaya iyotanka qon ehanl he
wicohan yuha kta ca icinonpa on
inyankin kte šni keya. Ake lecala
on iyungapi yunkan iyecel ake
tinsya iglasu. Iglutokeca šni
ehantanš Republican eciyatanhan
tuwe kta tanin šni.

July wi el Rosebud ekta Sicaugu
oyate unpi kin tankinkinyan na
wakanheja koya iyohila Texas
etanhhan ptewiyela waštešte, wani-
yetu nonpa ececapi, wicakipamni-
pi. Bloka susuiyoyasin nakun co-
nala wicaqupi. Hena Sicaugu ta-
makece onšpa, Gregory County
eciypapi qon, wiopekiyapi na he-
tanhan wokajuju yuhapi kta cin-
wicakiyapi na wicalapi qon hanke
ee.

Šaglaša makece ekta janjanwi-
yatke toka kagapi qon he tuwe
wan Abbott Benedict eciypapi qon
kicicagapi, A. D. 600 heebanl.
Hecel janjanwiyatke toka yuhapi
qon ehantanhan wana waniyetu
opawinge wikcemna sanpa opa-

winge yamni sanpa šakpe hena-
keca.

Peji nakseyapi icunhan na wo-
ksapi anpetu cannahan mahti
wicaša, na wašicun hota, na woju
wicaša oyasin, wašicun tamakoce
ekta nainš Lakota tamakoce itima-
hel unpi yeša iyuha lila wowaši
ota yuhapi na wicaša tuwe keša
tanyan wowaši ecawicakicon kin-
han on wokajuju tanyan wicaqupi
kta iwinyeya unpi. Hececa yeša
wowaši ignipi nainš anpetu ota
tinsya econpi kta tawatlyapi kin
e lila conapila canke otebika ye lo
eyahanpi. Inš hecel šicahowaya
se najinpi kin icunhan koškalaka
tancan sutapi ota otonwe ciqala,
nainš mazopiye, nainš owakpamni,
nainš owowicaqu he cin ektakta
atansila najinpi, yunkan, He! he!
he! wowaši tuktelna inyanke šni lo
eyahanpi kin he toka hwo!

Wowapi Wakan wanji ataya na-
pe on kagapi na kagapi ehantanhan
wanna waniyetu opawinge wikce-
mna wahecetu British Museum el
gnakapi. Mazanahtagiyapi wico-
han slolyapi šni itokab kagapi yun-
kan Wowapi Wakan iyotan ehanpa
lehanl slolyapi kin he ee keyapi.

United States el waniyetu iyohi-
la makacabli tkeutapi tanka 319,-
000,000 henakeca maka etanhhan
qapi ece, na hena oqapi kin ekta
mazaska woyawa tanka opawinge
topa sanpa wayawa tanka wikce-
mna šaglogap sanpa woyawa tanka
zaptan kipi, na oyate opetonpi kin
ekta mazaska woyawa tanka opa-
winge wikcemna on glusotapi.

Ascension wita eciypapi kin ekta
keya tankinkinyan lila ota. Mini-
wanca el ounyanpi na etanhhan ota
owicayuspapi na wiyopewicakiya-
pi. Wanji kinhan mazaska topa
saum šokela wahecetu kipi. Lila
tketkepi nakun, ciqala wanji tkeu-
kapi opawinge zaptan wahecetu,
na tanka kinhan tkeutapi opawinge
šaglogan.

WICAYUSUTAPI---CONFIRMATION.

1. Wicayusutapi ecawicakicon-
pi kta iyececa tona eepi he?

Tona wana baptisma wicaqupi
yunkan waniyetu wiyukeanpi kta
iyehan ipi kin. (Woecon kin he
Woeekiye Wowapi kin el iwankab
tokel owapi kin hel wanyaka po.)

2. Hececapi kin etanhhan Wica-

yusutapi opapi kta iyowinwicaki-
yapi kta kipipi kin tona eepi he?

Tona Wicayungapi kin el woi-
yunge kin hena ayuptapi kta oki-
hipi, nahan miniawicakaštanpi qon
ehanl tokel eya ičiconzapi, nainš
cajepi kin on kowicakiyapi qon,
hena ake iyecel eya iglusutapi kta
iyowiničiyapi kin henapila.

3. Wicayusutapi eyapi kin on
tokel kapi he?

Wicayuwašakapi.

4. Wicayusutapi ecawicakicon-
pi cannahan tuwe kin nonpa el
opeya škanpi kin tona eepi he?

Wakantanka he, nahan tuwe wi-
cayusutapi opa kta ca on el hi kin
henaoza.

5. Wicayusutapi opa kin he
piya glucetu na gluwašaka kin
tukte e he?

Miniakaštanpi qon ekta woiči-
conze on iglasu qon hena ee.
(Miniawicakaštanpi Woecon kin el
woiyunge kin wanyaka po.)

6. Wicayusutapi el Wakantan-
ka Iye taku ecawicakicon he?

Tuwe wicayusutapi opa kin he
sanpa tanyan wicalaya un kta e,
na ohan owotanla wacinyus un
kin, hena nupin el yuwašaka he
on, sanpa wowašte yuha kta ca
woiwakta teca, na on icu kta woe-
con teca koya qu kin on eciyatan-
han.

7. Wicayusutapi ecawicakicon-
pi kin ekta Wakantanka tawowaši
el škan kin he tuwu he?

Bishop kin hee.

8. Bishop heca šni kin tuweni
wicayusutapi wicaqu kta kipi šni
kin he toka he?

Wicohan kin he Wahošiyee Wa-
kanpi kin išnala tawapi kin he on
etanhhan. Ohan. 8. 12-18.

9. Oyate kin Wicayusutapi on
ijehan ektašniyan tokel wiyukean-
pi he?

On wicaša Okolakiciye Wakan
opapi wicohan heca kecinpi.

10. He ektašniyan wiyukeanpi
tuktetanhan tanin he?

Miniawikaštanpi kinhan hee ca
on Okolakiciye Wakan el opaun-
yanpi kin hetanhhan tanin. Na
miniawikaštanpi qon he Christ To-
kiconze kin el teca untonpi kin hee
lakaš tohini icinonpa econpica šni.
Icin tuwe wan Okolakiciye Wakan
kin wancala opa ehantanhanš owi-
hanke wanin el opa (woope ogna
elipecyapi šni ehantanš) na he on
etanhhan tohinni icinoupa el opa
kta okihipica šni.

11. Wicayusutapi eciyatanhan

on woičiconze nainš taku econki-
yapi itokab iyowajapi šni tka qon
heca teca on iglaškap he?

Hiya, wicayusutapi šni itokab
taku econpi kta iyececa tka qon
heceglala ca Okolakiciye Wakan
kin wicitokab taniyan piyakel ogla-
kapi na el iglusutapi.

13. Wicaša ota taku on etan-
han Wicayusutapi el upi šni keya-
pi kin wanji tukte e he?

Kipiya wašte iglawapi šni keya-
pi na on iglatokanpi.

14. He wicakapi yeša on el upi
kte šni kipi he?

Hiya, tokel wašte nainš šica un-
kiglawapi he woiyunge hecin ee
šni, tka Wakantanka anašoptanyan
unnipi kta ca el wawounkiyapi kta
on Woniya Wakan unqupi kta un-
cinpi, nainš uncinpi šni hecinhan,
he woiyunge kin ee heca. Icin,
Wakantanka tawacin ecel ecaunki-
conpi kta, uncinpi na lehanl tokel
unwaštepi kin isanpa unwaštepi
kta wicakeya uncinpi ehantanš, on
sanpa unkiwaštepi kta ca Wakan-
tanka wicayusutapi el unqupi kta
on gnake cin hena wowinlagun-
yanpi kta iyececa.

14. Wicayusutapi opapi kta ca
on Wanikiya kin woiyutanye tan-
ka ewicakiya kin he tukte e he?

Tuwe kaša wicaša wicitokab mi-
ye omayaka kinhan, he Ate mašpi-
ya el un kin itokab oblakin kta.
Matt. 10. 32, 33.

15. "Omayaka" eye cin on to-
kel ka he?

Wicamala oglaka, hecel ka.

16. Wicayusutapi woecon kin he
Okolakiciye Wakan kin el lecala-
kese icağa he?

Hiya, wicohan na woope Waho-
šiyee Wakan ni unpi anpetu qon
behantanhan ekta unhihunipi kin
wanji hee.

17. Wahošiyee Wakan iyepi heca
wicayusutapi oyate ecawicakicon-
pi he tuktetanhan slolunyanpi he?
Ohan. 8. 14-17, na 19. 6.

18. Heb. 6. 2 el St. Paul iye on
tokel eya he?

Christian woonspe kin el woon-
spe tokaheya, nainš ohutkan kin,
wanji heca keya, na he on etanhhan
taku maheltuya tanka yawapi kta
iyececa.

19. Wicayusutapi Woecon kin
ihanke el woope kin el tokel eya
he?

Tona wicayusutapi opapi, nainš
opapi kta cinpi na iwinyeya unpi
kin henala Wotapi Wakan el ope-
wicakiyapi kta.

20. He hecetu lakaš on Wicayu-
sutapi wicohan kin tokel awaun-
cinpi kta kipi he?

Ogna Wotapi Wakan el opaun-
kiyapi tiyopa heca, yunkan Chris-
tian wicala unpik in iyohila ekta,
woiyowinkiye na taku econ kta
iyececa kin ihankeya tanka wanji
heca.

THE DAYBREAK.

Rev. E. ASHLEY,
Rev. W. J. CLEVELAND
EDITORS.

THE DAYBREAK is published monthly in the interest of the Protestant Episcopal Church among the Sioux Indians of South Dakota.

The subscription price is 30 cents per annum and may be paid in one or two cent postage stamps.

Single subscriptions for six months, 15 cents.

All subscriptions and matter for publication should be addressed to

REV. E. ASHLEY
Cheyenne Agency, S. D.

Letter of Commendation.

The tendency of THE DAYBREAK is to provoke to good works and to bind us together. It will be a special help to the scattered members of the Church. Besides other Church news, it will contain my official notices and accounts of my official acts and visitations. I hope our people will take it and circulate it.

W. H. HARE,
Missionary Bishop

PRINTED at the office of the "Forest City Press."

ENTERED at the Postoffice at Forest City, So. Dak., as second class matter.

OKOLAKICIYE WAKAN WIYAWAPI.

September wi kin.

2. Yamni iyohakab Anpetu Wakan iakenonpa To
9. Yamni iyohakab Anpetu Wakan iakeyamni To
15. Niobrara Deanery Convocation Omniciye kta.
16. Yamni iyohakab Anpetu Wakan iaketopa To
20. Ember Anpetu
21. St. Matthew, Wahosiye kin..Ša Na Ember Anpetu
22. Ember Anpetu
23. Yamni iyohakab Anpetu Wakan iakezaptan To
29. St. Michael na Ogligle oyasin Ska
30. Yamni iyohakab Anpetu Wakan iakesakpe To

Wotanin-wašte Ayapi On Wocekiye.

Anpetu ryohi wicokiya he cin ehan heyapi kta:

Wanikiya wašte isto wacantkiya nitawa kdugad, canicipawega akan otkeyahan yann tka qon, maka akan wicaša un kin owasin Niye ekta etonwanpi qa niwicayapi nunwe. Amen.

Yewicašipi kin on.

O Wakantanka, tuwe wicawe wanjila on, wicaša oyate hiyeye cin oyasin maka kin owancaya etipi kta e wicayakage cin, na tona itehanyan naiš kiyela unpi kin, wookiye owicakiyakin kta e Nicinca wašte nyaši qon; wicaša oyasin onilepi na iveniyampi kta unqupi ye. Oyate kin optaye nitawa kin opewicaya ye, na Ikcewicaša kin wokiconze nitawa ekta awicagli ye. Tona wicayeco kin ecala wicaln ecetu, na nitokiconze kin kohanna uyakiyin kta iceunniyapi; Jesns Christ Itancanunyanpi kin hee eciyatanhan. Amen.

Wotapi šni Itokam Wocekiye wan.

O Itancan, wopida unničnpi. Wotekdapi kin wodwicaya ye,

qa wicaša owasin, maka sitomniyan, Wiconi Aguyapi ni un kin Malhipiya eciyatanhan hi kin he odepi qa iyeayapi kta e iceunniyapi. Amen.

Grace before Meals

Thanks be to Thee, O Lord. Feed the hungry, and grant that all men, everywhere, may seek and find the Living Bread which cometh down from Heaven. Amen.

ANPETU WAKAN IYOHILA TAWOCEKIYE ON WOONSPE.

Yamni iychakab Anpetu Wakan išakowin

Hekta Anpetu wakan šakowin icunhan iyecel, ake le anpetu kin wowaštelake on waonspewicakiye. Wowaštelake cin he, Wakantanka ouncage onšpa, unkiyepi mahel ai icahyapi, icage na nalice kta iyececa heca kiksuyeunkiayapi. Wakantanka, wowašake na wookihi Itancan un, qejaš taku wašte ca wicaqu kin he Iye hea un, na he wocekiye ogna unlapi. Hekta Anpetu wakan kin waštelakapi kin he unkicantepi el okaštampi kta ca Iye taku oyasin isanpa wašteunlakapi kta he unkilapi. Le anpetu kin Okolakiciye tawoonspe el woiyopte yukan; waštelakapi kin he Wakantanka touncage etanhan wawicaliye cin heca, na he waskuyeca icagin kta, nahan sanpa na sanpa hececa kta iceunkiayapi.

Wocekiye kin.

Wocekiye wowapi el wocekiye tona wašte na oiyoiki kin le wanji iyotan heca. Wocekiye kin le etanhan woonspe yamni unkicupi: 1. Waštelakapi cola woohola wicakapi wanica. 2. Taku kin le etanhan woohola iyopteya, sam icaga ece. 3. Nahan taku kin le ohinniyan kicanyanpi na icahyapi kta iyececa. Wowašake na wookihi oyasin Itancan kin, na taku wašte kage ca wicaqu kin. Iyotan wašaka kin, tuwa taku wašte oyasin etanhan u kin, taku ikeeka na wakan kin ko, na taku wašte kin lena onšilaya unqupi kin. Unkicantepi kin Nicaje waštelakapi kin he icahye ye. Wakantanka waštelakapi kin he tokantanhan ai na icahyapi kin heca, na ehantanhan uncantepi el un šni be onspeunkiayapi. Taku wanji aicagapi kta eyapi kin he kapi. Waskuyeca can wašte hea etanhan camni wan icupi na waskuyeca can ikeeka wan el ai koyagyapi kin, Wakantanka waštelapi kin iš iyececa, Wakantanka ouncage cin etanhan aletka (camni) icupi na ouncage ikeeka unkitawapi el aicagapi. Ecaken unyuhapi šni, tka tona Wakantanka cincawicaye cin cantepi el aicahwicakiyapi, na hel sanpa na sanpa icagin kta. Can ikeeka waskuyeca icage šni ece kin, he iyecel tona Wakantanka cincawicaye šni itokab waskuyeca icagapi šni. Iye cincawicaye cin on pilapi kinhan wowaštelake el yusawicaye.

Iyohakab, Iye tokaheya canteunkiayapi kin on wašteunlakapi (1 John 4:19). "Nicaje waštelakapi kin," Wakantanka caje eyapi cana taku tona iyowaja kin he kapi ece (Gli. 34. 5-7). Unkiyepi el woohola wowicake kin yutanka ye. Woiyopte wanica hecinhan woohola wowicake kin ko wanica. Na taku kin le yutanka kta wicohan tawa. "Unkiyepi el yutanka ye," waštelakapi econ kin he, taku aicahyapi kin he camni kin ukiya ye, na etanhan omaka iyohi sanpa na sanpa waskuyeca icakiya ye.

"Woohola wowicake kin" he taku he. Woohola wowicake kin he" wablenica na wiwazica kakijapi eca el wicahipi, na wicoicage (naka) kin el taku iyaonpepica šni igluhapi kin" beca, St. James eya (Jakob 1. 27), waštelakapi ecinpi ecela šni, tka waštelakapi wicohan econpi kta, nahan wakanyan igluhapi kta cin hee. Wowašte oyasin el icahunyan piye. Wowaštelake aicagapi kin he kicanyanpi, wolkiyapi kta cin, na Christ, tuwa kotpawinge topa wolwicaye qon, iyecel Aguyapi Wiconi unqupi ee. Mahkicanye wicaša tohan camni wan can el aicagapi cana tokel awanyakapi kta iyececa kin slol yapi, tate na osni kin etanhan akalipapi kta, na aletka icinšniyan icage cinhan waksapi kta. He iyecel waštelakapi kin he icagin na waskuyeca ton kta e Wakantanka toawanyake na tookihi cin ece. Na nitawaonšila tunka eciyatanhan hena el unyuhapi piye. Omaka tokaheya waskuyeca conala kta epinpicca, tka Wakantanka towaonšila eciyatanhan wowašte yuotapi kin unqupi kta, hecel omaka iyohi sanpa na sanpa unkiagapi na waskuyeca ota icahunyanpi kta.

—o—

Yamni iyohakab Anpetu Wakan iša-g'ogan.

Wakanheja unkitawapi kin, Christian taomaka nonpa itancanyan kiyuštapi kin ohinni kiksuyewicunkiayapi kta iyececa. Wowacinye, onšpa tokaheya kin, Woecon, onšpa inonpa kin. Nahan Yamni iyohakab Anpetu wakan šakowin tokaheya kin icunhan waštelakapi kin he, woecon etanhan taku tokaheya icage cin ee, akiglegle unkokiyakapi kin koya, tokaheya Wakantanka waštelakapi kta, na hehan ikayela ti kin waštelakapi kta (John 14. 15, 21, 24; 1 John 3. 11 na 23, na Wico. 2. 9-14, na Wico. 4. 19-21). Hekta anpetu wakan kin waštelakapi waskuyeca sanpa icaga ece, na wicanagi kin el waskuyeca kin icagin kta e unqupi na icahkiyapi kta iyececa unkokiyakapi. Yunkan ihektab anpetu wakan kin he waskuyeca kin he woowotanla wicohan, Wakantanka ekta, unkikiyela ti kin, na unkiye iyatayela el econqonpi kta cin hena ee, na Ikcewicaša waeconpi kin itokeca kta, na Wowapi kagapi na Pharisee econpi kin isanpa kta onspeunkiayapi.

Wocekiye kin.

Wiwicakicigni owihanke šni nitawa kin he maka akan na malipiya kin ekta taku oyasin yuecetu kin. Wocekiye kin le taku hea cajeate cin he Wakantanka wiwicakicigni tawa kin ee. Iye el toketutanin šni wanica. Tuktetu, na tuwa ob untipi kta, na unkitaoššan taku wanke cin Iye konza. Taku tona malipiyata na makata un kin wiwicakicigni tawa on yukan na iye tawa, na cinca tona waštelakapi hena tawapi (Rom. 8. 28). Makata woksapi tokeca kin Woniya woksapi kin iyececa; Iye magaju na wojanjan uye; taku tona kiunniunyanpi kte cin yutokan, na taku tona unkiwaštepi kte cin unkiyapi.

"Tka Wakantanka taku oyasin yuecetu hecinhan tokaca Iye eekiye unšipi he," wacinyanpi šni kin eyapi. Wakantanka towaštelake na toksape on Iye kici unškanpi kta cin, Iye omkiyapi kta cin, na unkieinapi kin taku iceunkiayapi kta iyounkipipi kin, he iyecel waukilakapi kta cin kin heon. Eya wocekiye unkitawapi cola taku okihi, qejaš eekiye unšipi, na ceunkiayapi kin anagoptan, nahan takuku uncinpi kin unqupi ece. Unkiyepi etanhan taku kiunniwicaye cin oyasin tokanl iyeya ye. Tawacin unwahwapila hecinhan, taku tona kiunniunyanpi kte cin Wakantanka slolya unkablezapi kta. Wowayazan naiš woiyotaniyeekiye unkiyepi etanhan yutokal kta unlapi naceca, tka owekiniš hena kiunniunyanpi kte šni slolya naceca. Tokas hena on sanpa waskuyeca icahunyanpi kta heca naceca. Taku wanji on kiunniwicaye cin slolunyanpi, na woahtani ee. Na taku on unkiwaštepi kte cin hena unyagupi kta. Hena nakun Wakantanka iwacinunyanpi kta; taku tona unkiwaštepi kte cin Iye slolya, Christian omanipi unkitawapi el tanyan nnyanpi na waskuyeca icahunyanpi kte cin hena ee. Woeye ptecela on unkeyapi kte cinhan, taku tona unkitaoššan na mahel yabke cin ecel yuecetu kta, kinhan woahtani el unkiyohpayapi kte šni he ognayan.

—o—

Yamni iyohakab Anpetu Wakan inapciyunka.

Yamni Taanpetu Wakan ehanthan Wakantanka anagoptanpi iyokipi na icu kte cin he cante etanhan waanagoptanpi kin hee ca Wakantanka na unkikiyela ti waštelakapi aicahye cin he Okolakiciye Wakan kiksuyeunkiayapi. Hekta anpetu wakan nonpa kin hena, ohinniyan Wakantanka towašake na wiwicakicigni wašte tawa kin unkicipi un kta iyececa, na hetanhan waštelakapi waskuyeca icahunyanpi kta. Le anpetu tawoonspe kin na hekta tawapi kin taku ikoyake cin he lehan wicacante woawacin kin on onspeunkiayapi

Concluded on 4th page

Le ihukuya owapi kin he lecetü: Ptinhan Convocation econpi qon, Convocation tawoope etanhan iapi yuowotanpi na tokeca kta wašte kin Committee wan kalinigapi. Yunkan Committee kin omniciye na tokel iwanyakapi na ecel yankin kta wašte iyukeanpi kin lel un-kowapi. Heceel tanyan ablezapi wašte.

SOUTH DAKOTA

— O K N A —

NIOBRARA DEANERY CONVOCATION KIN

Woope tona Itancan kin qa oknayan škanpi kta weecon kin.

WOOPE ITANCAN KIN

Itokab oyakapi kin.

Convocation kin de General Convention eciytanhan woope kagin kta ca wowaške takuna qupi šni kin on, makoce obašpe tinskoya iyowaja kin heceena okna Okodakiciye wakan tawicohan kin he iwokdakapi qa yuicagapi kte cin iyukeanpi qa yuštampi kte cin heceknana on kagapi.

WOOPE I.

Caje qa tinskoya iyowaja kin.

Convocation kin de South Dakota okna, Niobrara Deanery Convocation kin eciyapi kta. Wicaša wakan tona Dakota ekna škanpi, qa Wacekiye Omniciye tona awanwicayakapi kin hena owasin iyowajapi kta.

WOOPE II.

Tona en opapi kte cin.

Convocation kin de en opapi kte cin dena eepi: 1. South Dakota okna Bishop un kin hee; 2. Bishop kin de ihukuya Dakota ekna Wicaša Wakan owasin Catechist qa Wawokiya tona woiyowinkiye wowapi yuhapi kin; 3. Bishop kin de ihukuya Dakota ekna Wocekiye Omniciye iyohi etanhan, Wotapi Wakan opapi heca kalinili-opapi yannimni Wacekiye omniciye wicakalinigapi kta, Wošna kaga tawapi kin he hecetuwicakicada ehantanhanš. Wacekiye omniciye wicakalinigapi okihipi šni se hinkde cinhan Wošna kaga tawapi kin wicakalinige kta.

WOOPE III.

Oitancanpi kte cin.

1. Convocation kin de en Itancan kin Bishop hee kta. Convocation kin de en Dean wanji yuhapi kta, qa Bishop he cajeyate kta, qa Convocation kin he yuštampi kta. 2. Omaka iyohi Convocation ecan Wowapi kaga wanji, qa Convocation on tamazaska awanyaka wan, qa Dakota Wicaša wakan tamazaska awanyaka wan, hena wicakalinigapi kta, qa hena den ihukuya token econpi kta cajeyatapi kin he oknayan škanpi kta.

WOOPE IV.

Oitancanpi kin qa tona opapi kin token econpi kte cin.

1. Convocation mniciyapi eca owasin en Itancan kin un kta, qa opapi kin taku tona iyowajapi kin is eya hena econ okihipi kta. Qa Convocation Wowapi kage cin qaiš mazaska awanyakapi kin iknuhanan wanica se hinkde cinhan Itancan kin he wicaša tokeca econwicaši kta icinonpa omniciye kte cin hehanyan.

2. Bishop en un šni eca Dean kin he Itancan yankin kta, qa Bishop Convocation wicakico kte cin oigihipi šni kinhan, Dean kin he mniciye wicaši kta.

3. Wowapi kage cin he Omniciye tawoecon kin owasin owa kte, qa hena token owa kin tohan hecetu keya yuštampi kinhan, hehan wowapi tanka kin ekta ecan owa kta. Convocation tawowapi tanka, qa woyakapi wowapi, qa wowapi toktokeca tona tawa kin hena tanyan awanyake kta, qa tuwa okiheyawowapi kage kta yuštampi kin he token okihipica kinhan oħankoya wowapi kin hena qu kta. Nakon oitancanpi kin econšipi canna tohan qa tukten omniciye kte cin hena Wicaša wakan iyohina onahonwicaye kta.

4. Convocation mazaska awanyake cin he Omniciye tamazaska kin hena icu kta, qa Bishop token econšipi kin he okna yusote kta, qa omaka iyohi Convocation kin en hekta mniciyapi itahena tona icu qa token yusote cin hena ecan okdake kta, qa tuwa okiheyawowapi kalinili yuštampi kin iyohakab wi wanji šni mazaska tona yuha un kin hena wowapi koya qu kta.

5. Dakota Wicaša wakan on womnaye kin on mazaska awanyake cin mazaska kin hena icu kta, qa Bishop token econšipi kin he okna yusote kta, qa omaka iyohi Convocation kin en hekta mniciyapi kin itahena tona icu qa token yusote cin hena okdake kta, qa tawe okiheyawowapi kalinili yuštampi kin iyohakab wi wanji šni mazaska tona yuha un kin hena wowapi kin koya qu kta.

6. Tona omniciye en woštampi kta iyowajapi kin hena Convocation omniciye kin owasin en unpi kta.

WOOPE V.

Tonakeca kipipi kin.

Wicaša wakan zaptan qa kalinili opapi kin tona woštampi kta iyowajapi kin etanhan okise isam iyeya en unpi kinhan Convocation weecon kin okna wayuštampi kta e denakeca kipipi kta.

WOOPE VI.

Obe kiyuštepeya woštampi kte cin.

Convocation kin en taku tona cajeyatapi kin Wicaša wakan qa kalinili opapi kin obe wanjini iyecen wokdakapi qa wayuštampi kta, tka iknuhanna taku wan yuštampi kta eca opa wanji kiyuštepeya vote econpi kta keye cinhan lie oknayan kte, qa obe iyohina etanhan okise isam iyeya hecetukicidapi šni kinhan woštampi heca yawapi kte šni, qa deconpi eca Wocekiye oyauke iyohina etanhan vote wanjina yuhapi kta.

WOOPE VII.

Oitancan wicakalinigapi kin.

Woope Itancan kin de en oitancan wicakalinigapi kte cin hena Ho ikceya on wicayuštampi kta, omniciye opapi kin etanhan nom caje iyohipewicayapi kta keyapi šni ehantanhanš. Omniciye wanji oitancan wan apiyapi šni se hinkde cinhan, wicaša kin he tuwe, qaiš tuwepi hecinhan, tohe en un kte cin tokata kalinigapi qaiš yuštampi šni kin hehanyan heceknana Itancan un kta.

WOOPE VIII.

Caje wicayataninpi kin.

Convocation mniciye šni itokab Wicaša wakan wan waawanyake cin tona kalinili opapi kte cin, caje owicawa qa Wowapi kage cin ye-kiye qaiš taninyan qu kta.

WOOPE IX.

Omniciye kin.

Convocation kin omaka iyohi mniciye kta, anpetu kin tohantu, qa oyauke kin tuktetu kte cin hena Convocation kin iyukean kta, tka Bishop kin he iye wicakiyuštampi kta, qa en un šni, qaiš oigihipi šni kinhan Dean kin he iye econ kta. Nakon iknuhanna Bishop kin mniciyapi kta kipi dake cinhan wicakico okihipi kta.

WOOPE X.

Woope apiyapi kte cin.

Woope Itancan kin de apiyapi kta cinpi kinhan, token apiyapi kta cinpi kin ecan owapi qa pazopi kta, qa omniciye wan en pazopi kin hen iwokdakapi okihipi kta, tka icinonpa Convocation kin en opapi kin obašpe yanni hecetudapi šni ehantanhanš he woyuštampi kte šni.

SOUTH DAKOTA

NIOBRARA DEANERY CONVOCATION KIN

Token weecon kte cin.

1. Convocation omaka iyohi mniciyapi eca tokaheya anpetu owicohan kin he Wakan cekiyapi, Wahokonwicakiyapi, qa Itancan Itayetu Wotapi tawa kin hena on yuhidokapi kta, qa iyohakab anpetu iyohi Bishop iye token kalinige cin hena okna wacekiyapi kta.

2. Convocation kin he togye konze šni kinhan omniciye kin he anpetu iyohi 9 a.m. qa 2.30 p.m. hehan eyotanke kta; qa 12 m. qa 5 p.m. hehan enakiyapi kta.

3. Convocation tokaheya anpetu wan mniciyapi kin en, qa Wakan cekiyapi iyohakab, hekta Convocation Wowapi kage cin he, qaiš en un šni kinhan, Bishop kin he, qaiš tuwe Itancan en un kin he, tokeca wanji econšipi kta, qa wicacaje tona Bishop kin he, qaiš Okodakiciye Itancanwicakiyapi kin qu kin oknayan, Wicaša wakanpi, Catechist, qa Wawokiya tona opapi kta iyowajapi kin hena cajewicayate kta, de eciyatanhan omniciye iyowajapi kin atanin kta. Hehan Wowapi kage cin he Kalinili opapi kte cin wicacaje tona iwicacu kin hena cajewicayate kta, qa wanna omniciye kta kipiya yankapi hecinhan Itancan kin he wanna wicohan kuwapi kte cin iyehantu keya wicakiyaotanin kta.

4. Convocation kin wanna ecan yankapi kinhan wacaknana Wowapi kaga qa Mazaska awanyakapi kin hena wicakalinigapi kta.

5. Convocation owicohan kin he anpetu iyohi mniciya eca den ihukuya token owecinhan owapi kin he oknayan econpi kta.

1. Cajewicayatapi kta.

2. Hekta waeconpi kin wicakiyawapi kta.

3. Waeconwicašipi qon okdakapi kta.

4. Anpetu kin he en taku kalinigapi kin hee kta.

5. Taku yuštampi šni kinkakapi qon hee kta.

6. Taku teca cajeyatapi kta.

6. Tohan Convocation kin ecan eyotanke cinhan tona opapi kin atanse iyotankapi kta, qa Itancan kin he taku eciyapi kta e heceena on najinpi kta, qa opa kin wanji taku eye kta, qaiš iyukean wicaši kta eca Itancan eye kta, qa taku wanji omniciye itokab yanke cin heceena iwodake kta.

7. Tohanyan Itancan kin, opa wanji iyowinkiye šni kin hehanyan wokdakin kte šni, qa tohan opapi kin etanhan nom qaiš isanpa okiwanjina najin hiyayapi kinhan wanji tukte tokaheya wokdakin kte cin he Itancan kin iye cajeyatin kta.

8. Omniciye kin iyowinye šni kinhan tuwena taku wanjina nonpa kin isam on wokdakin kte šni.

9. Omniciye opapi kin wanji on wayuštampi kte cin icuohan owicapeya škan kte šni.

10. Taku iciconzapi kta cinpi kin owasin owapi kta.

11. Tuwa wowiyukean wan pazo eca tuwena okiya keye šni kin hehanyan iwokdakapi qaiš on woyuštampi kagapi kte šni, qa tohan opapi kin wanji heceen econpi kta cin keye cinhan taku pazopi kin hena ecan owapi kta.

12. Tuwa wowiyukean wan cajeyate qa tuwa okiye cinhan Itancan

kin he yaotanin kta, qais owapi hecinhan Wewapi kage cin qupi, qa iwokdakapi sñi itokab hotaninyan yawa kta.

13. Wowiyukan wan pazopi kinhan taku tokeca icicahiya cajeyatapi kinhan opa kin wanji hecen cin keye cinhan hena wanjigima iyukanpi kta.

14. Wowiyukan wanji iwokdakapi eca taku itokeca pazopi kte sñi, tka ito ikceya eknakapi kte cinhan, qais tokata tohan iwokdakapi kta, qais Committee iwanyag wicasipi kta, qais apiyapi kta hecinhan eceen okilipi kta; unkan taku decca canahan den token owecinhan cajeyatapi kin he oknayan econpi kta.

15. Wowiyukan wan ikceya eknakapi kta hecinhan he iwokdake-sniyan yustanpi kta.

16. Taku wanji yustanpi canahan he Convocation towiyukan qa sutaya ecen hin kta heca yawapi kta, qa taku yustanpi qon he wicota najinpi qon he wanji ito piya iyukanpi waste keye sñi ehantanhan s he piya iyukanpi kte sñi.

17. Wowiyukan wanji tohan Itancan kin he yaotanin, qais Wowapi kage cin he wicakiyawa kin iyohakab Convocation iyowinwicakiye sñi ehantanhan s taku kin he icicawin ikikecupi kte sñi.

18. Itancan kin he taku wanji on iwicawange cinhan he hotaninyan on yustanpi kta, tka Itancan kin he token yustanpi okdake sñi itokab opa kin wanji kinukankiya yustanpi kta keye cinhan iyowinkiyapi kta, qa heconpi canahan najinban najin yustanpi kta.

19. Tohan opapi kin wanji hecen econpi kta cin keye cinhan, wowiyukan wan qais woiciconze wan obe kinukankiya on yustanpi kta hecinhan Wowapi kage cin Wicasa wakanpi kin (obe tokaheya kin eepi) hena tokaheya cajewicayate kta, qa heban Catechist, Wawokiya qa Wacekiye omniciye hena (obe inonpa kin eepi) cajewicayate kta; unkan obe kin dena napin etanhanhan okise isappa hecetudapi sñi ehantanhan s wowiyukan qais woiciconze kin heca kta ca yustanpi kta okilipi kte sñi.

20. Itancan kin he iye Committee kin hena wicakalinige kta, togre econpi kta keyapi sñi ehantanhan s.

21. Committee taku kuwa wicasipi kin hena ohiniyan owapi qa yawa okdakapi kta, Convocation hoikceya on okdakapi kta iyowinwicakiyapi sñi ehantanhan s, qa taku kapi kin iwicawangesniyan icupi qa awiyukanpi kta, tuweni ataya hecetu sñi da keye sñi ehantanhan s.

22. Committee taku kuwa wicasipi kin okdakapi kin eciyatanhan Convocation kin taku iyukan kta qais iciconze kta iyececa keyapi kinhan iwokdakapi ihanke kin he en woiciconze kin he token yustanpi kta cinpi kin ecen owapi qa pazopi kta.

23. Tohan opapi kin wanji tukte keceyas woepe oknaye sñi skanpi kecin kinhan woepe kin de en owapi qais owapi sñi, qais taku woiwan-ge heca esa najin qa yaotanin okihi kta qa iwokdake sñiyan Itancan kin he wicakiconze kta, qa token iyukan kin he hecetu sñi seca opa kin wanji kecin kinhan Convocation kin he toketu kta iyukan qa yustan kta e icekiya okihi kta.

24. Enakiyapi kta eyapi kin he ohinniyan woiyowinkiyete kta, qa toketu kte cin he iwokdake sñiyan yustanpi kta.

25. Convocation kin tohan enakiyapi kta eca tohanyan Itancan kin canakaniyotankapi etanhan kdicu sñi kin behanyan opapi kin owasin ecen atanse yankapi kta.

26. Oknayan skanpi kta woecon kin dena en opapi kin etanhan oka s pe yamni hecetudapi sñi ehantanhan s wanjina kae sa ekikuakapi, qais yutokecapi, qais pajujupi kte sñi.

Morton, Minn. July 30, 1906

Rev. E. Ashley—

Rev. and Dear Bro.: July 22nd Anpetu Wakan litayetu cekiyapi ed John B. Chapman ehake wowahokonkiye eye 1 Kor. 3. 23 etanhan 45 minutes hehand te do. Cerebral apoplexy hecece do. Bishop Edsall wana omaka nom Lay Reader License qu qa ohinniyan wocekiye ed nina litani eced heyake ocowasin kicun iyaye do. De Anpao ed daotanin wacin.

With Love to yourself,

Faithfully yours,

Henry W. St. Clair.

Anpao kin:

Choteau Creek en Koska wan wotehi akipa qa he obdaka wacin. Ho wanna Rev. Jos. Goodteacher tawoiyoki sica kin decetu. Hekta April 25th 1905 hehan cinca wan ta. Ake July 13 1905 ake cinca wan ta. Ake June 1906 en cinca wan ta. Ake July 12 1906 hehan winyan tawa kin ta. Ho denakeca waakipa tka token waditagya litani kin. Wicasa wanwanacaya

taku akipa kes hehanyenja cante tokecapi ecee, tka ebanqon misun-ka Wakantanka Wahosiye wakan tawa kin ee ce ecanmi. Ho eya Mrs. Jennie Goodteacher wiko s ka waste qa ohinni ciqana behantan wayawa qa ecen Rev. Jos. Goodteacher kici un. Ake tiwabe en tanyau awanyaka qa hignaku skaya kduha, qa nakun wocekiye etkiya token okihika litani. Hehan winyan owotanaa takima on yasinyajeyatapi sdonwaye sñi, heon Wakantanka ti kin en kitanyau ye kte cin ecanmi. Ho wicoie den yustan kecamni "Winyanpi kin uhihknakupi kin wicahukon iyeiciya po" eye ciqon he. Tawacin waste, walibana, oiye owotana, tawacin tanka, wowacinye tanyau ihunikiya. Nakun uina tekicibidapi qa ihakiciktapi, tka Wakantanka iyotan wastekidaka canke ikiken ecanmi. Deon etanhan kecen awacanmi, eya Wakantanka wakakiciyuzapi kiyuspe cin he hecetu, qa tuwe iye kiciyuzapi kin yuske cin he waste sñi, dena tekicinhidapi ce epe cin on hepe. Odowan de on hotaninyan iyaye:

Yus amayan ye, Jehovah,
Onsiya waun kin den,
Qa nape umakiya ye,
Hecen on wani kta ce
Wonmayan ye,
O Aguyapi wakan.

Jordan oluta kin he ed,
Wikopesninyan ye;
Qa wiconfe kin ohiya,
Canaan ed wai kta ce;
Hed wiconi,
Ed ciyatan kta, O Christ.

Tuvena wonunyanpi sñi kinhan token on unnipi kta he, qa tuvena yusunkayapi sñi kinhan tanyau maunipi kta he.

Philip Ree.

TAKU AWIYUKCANPI KTA WASTE.

South Dakota Yewicasipi obaspe (Missionary District of South Dakota) el sam obaspe yamni (Deaneries) yukan, na iyohila el Rural Dean, Mazaska awanyaka, na Wowapi kaga yukan tka, Niobrara Deanery el Convocation Dean nakun yuhapi. Okolakiciye wakan tawicohan kin iyoptekiyapi kta e lececa. Hehan oitancaupi toktokeca yukanpi, Wanji Council of Advice eepi, na heban Examining Chaplains yukanpi. Qeyas lena iwankab Bishop waawanyake yukanpi. Ho, he tobaspe ataya on Cathedral Chapter yukanpi. Chapter kin le Wosnakaga na wicasa ikceka opapi. Na lena omaka yamni eca okolakiciye yuwitaye mui- ciyapi canna wicakalinigapi ecee. Yunkan owe kin le (Bishop kin itancan un) South Dakota obaspe ataya on Woyuha, Tipi wakan, Owayawa, na Mazaska awanyakapi tka. Taku kin lena tanyau kta ca iyepi etanhan wicasa wicakalinigapi na "Board of Trustees" wicakagapi. Yunkan Board of Trustees kin le South Dakota obaspe itimabel woyuha, walipaye, na mazaska tona yuke cin, Cathedral Chapter kin on, na South Dakota el Okolakiciye un kin itanyau kta e awanyakapi ece. Ho yunkan Niobrara Deanery el Tipi wakan ibeye cin hena, nais mazaska, nais makoce takuni awanyakapi sñi. Taku wanji on hececa naceca. Ho tka lehantu kinhan Owakpamni yamni Lakota el unpi kin citizens hecapi na wasicun tokel woepe yuhapi kin akiyecel opapi. Oyauke yamni kin Isanyati, Ihan- ktonwan, na Sisseton. Isanyati unkeyapi kin Wakpipaksan el unpi koya wicunkapi. Yunkan lehantu kinhan taku wanji awiyukanpi pica seca. Oyate kin lena tukte- ktel mazaska kitanna ota wicakipannipi ece, hecel mazaska ota yuhapi kin icuhau Tipi Wakan tawapi kiksnyapi waste, nahan mazaska onge Endowment Fund on egnakapi kta iyececa, na Bishop qupi kinhan na he cajeyalya qupi kinhan tokesa. Board of Trustees yuhewicakiye na iye awanwicaki- ciyakin kta wicasi okihi naceca. Taku kin le Sissetonwan oyate kin wocekiye oyauke tona yuhapi kin, iyohila on awiyukanpi kta iyece-

ca, na tokata iye cincapi icagapi kin wocekiye on itanyanpi kta awacinpi kta waste.

Concluded from second page.

kin he. Lena owotanla sñi kinhan, wicacante waanagoptanpi un- qupi kta unkokihipi sñi. Eya woawacin waste yukan, nakun "wicacante kin etanhan wicotawa- cin sica hiyu" (St. Mark 7. 21). Hecel wocekiye el "taku owotanla kin awauncinpi kta" iceunkiyapi, hecel Wakantanka tawacin ecel econqonpi kta.

Wocekiye kin.

Taku owotanla kin hena ohinni awauncinpi na ecel econqonpi kta e tawacin kin ecel unqu piye. Wau- nsakapi sñi tokaheya unglatanin- pi. Onukiyapi kta ceunkiyapi cana ohinni becel unkeyapi kta iyececa. Le anpetu tawoeckiye etanhan tokel awauncinpi, tokel nukapi kin, hena wicohan hanke heca na Wakantanka yawa ece he onspenkiyapi na Iye unko hanpi yasun eca cante el woawacin on he- conqonpi kin etonwan ece. "Woope iye cantepi el un kta (Jer. 31. 33), he Wotanin wa- ste woiwahoye wanji heca, na Anpetu wakan iyohila "woope kin le unyuhapi kta e cante yusunkaya piye," na "woope kin lena oyasin unkicantepi el oyawa kta iceunniciyapi," unkeyapi. Un- ko hanpi kin on Wakantanka iyoki- pi kta uncinpi hecinhan woawacin owotanla on econqonpi kta (John 4. 23). Niye eciyatanhan nitawa- cin kin ognayan unupi kte cin okihiunyan piye. "Nitawoope kin ognayan" eyapi sñi. Waanago- ptanpi Wakantanka atouwan kin ou, Iye tawacin na toope kin ognay- an awacinyan anaunkigoptanpi kta, na Baptisma unkicupi qon he- cel econqonpi kta unkiqiconzapi.

Miniwanca koakatanhan Europe makoce eciyapi kin ekta oyate un- pi kin huih nahanhecin ataya Itan- can wicasayatapika ewicakiyapi heca yuhapi yunkan hena iyohila wateslake waste te yuhapi. Heca wateslake lehant yuke cin iyotan kapojela kin he Saglasa oyate wi- casayatapiki winyan tawapi wan Queen Victoria eciyapi qon he ki- cagapi yunkan tkeutapi wanji san- pa otkente ciqala nonpa hecel kte. Heceglala esa inyan tohiliuka ota na taunkinkinyan ikoyaka canke mazaska woyawa tanka wanji sanpa koktopawinge opawinge zaptan kipi.

England ekta zitkala owe wanji peslete mazazi ewicakiyapi kin zitkala iyotan ciqicqapila kin eepi naceca. Etanhan wikcenma sako- win sanpa nonpa kinhan tkeutapi wanjica kipi.